



Isalathiso: 20210325-1840
Inombolo yefayili: 9/2/1/2
Imibuzo: A Fortuin

INGcaciso eMfutshane yeCandelo loPhuhliso noQuquzelelo lweZiko: 0002/2021

Iya: KumaGosa eZithili, KwiiNtloko zamaSebe, kwiiNqununu, kuMalungu amabhunga olawulo nakwiTitshala

Isihloko: Kucelwa izikolo ukuba zenze isicelo sokufumana amacwecwe ezikhumbuzo zemveli ii-blue heritage plaques ngo-2021

1. Ingcaciso ngokubanzi ngeprojekthi yezikolo i-Blue Plaque Schools Project ka-2021

1.1 IProjekthi i-Blue Plaque Schools Project yaqaliswa yi-Centre for Conservation Education ne-Simon van der Stel Foundation ngo-2015. Ukususela ngoko, ziyi-36 izikolo eNtshona Koloni ezifumene amacwecwe i-blue heritage plaques.

1.2 Izikolo ezininzi zinembali ende nemvelaphi elilifa lethu eliqhayiya yokuzisa imfundo kwiindawo zasekuhlaleni zazo. Ezinye zezi zikolo zizikolo ezinendumasi, nezaye zathi ngokugqwesa kwazo zasemehlweni abantu ngeendlela ezahlukeneyo. Nakuba kunjalo, nangoku ezinye izikolo ezininzi zisasele zingekafumani kuqwalaselwa yaye zisesethinzini ngenxa yembali yokungalingani kweentlanga yexesha elidlulileyo yelizwe lethu. Oku kuyinyaniso ngakumbi kwizikolo zecawa ezininzi ezathi zaphuhla zade zangamaziko agqwesileyo kwiindawo zasekuhlaleni zabahlwempuzekileyo. ISebe leMfundo leNtshona Koloni likholelwa ekubeni ekubeni isikolo ngasinye sibaluleke gqitha yaye zonke izikolo mazinikwe ingqwalaselo ngegalelo lazo ezilenzileyo.

1.3 Ngo-2020 ibe linani eliphezulu ngokungaqhelekanga lezikolo ezifumene amacwecwe ii-blue plaques njengoko kubekho uluvo lokuba izikolo zifuna ukunikwa ingqwalasela ngenxa yethuba likabhubhane we-Covid-19:

- I-Bloemhof Hoër Meisieskool, Stellenbosch (ngenxa yobudala besikolo: (est. 1875))
- I-De la Bat Skool vir Dowes, Worcester (ngenxa yobudala besikolo: (est. 1881))
- I-Die Bron Primêre Skool, Stanford (ngenxa yobudala besikolo: (est. 1865))
- I-Laerskool Hendrik Louw, Strand (ngenxa yobudala besikolo: (est. 1880))

- I-Nederburg Primêre Skool, Drakenstein (ngenxa yomfundi owayefunda kuso oyindumasi ongu-Chester Williams)
 - I-Paarl Boys' High (ngenxa yobudala besikolo: (est. 1868))
 - I-Paarl Girls' High (ngenxa yobudala besikolo: (est. 1876))
 - I-Pieter Langeveld Primêre Skool, e-Cloetesville ((ngenxa yobudala besikolo: (est. 1830))
 - I-Rhenish Girls' High School, e-Stellenbosch (ngenxa yobudala besikolo: (est. 1860))
 - I-Rustenburg Girls' Junior School, Rondebosch ((ngenxa yesakhiwo esibalasele gqitha ngendlela esakhiwe ngayo (architecturally significant building): eyi-Rustenburg House)
 - I-Simond Private School, Drakenstein (ngenxa yobudala besikolo: (est. 1852))
 - I-Somerset-Wes Metodiste Primêre Skool (ngenxa yobudala besikolo: (est. 1834))
- 1.4 Amacwecwe ezikhumbuzo ii-blue plaques angumqondiso (symbol) owaziwayo ngamazwe ngamazwe wezakhiwo kunye neendawo ezibaluleke gqitha kwimbali nakwimvelaphi elilifa lethu kwindawo yasekuhlaleni. Umbutho onika inkxaso i-The Heritage Association of South Africa (HASA) (owawuyi-Simon van der Stel Foundation ngaphambili) uqhube iProjekthi ye-Blue Plaque kwithuba leminyaka eyi-50 edlulileyo.
- 1.5 Le projekthi ithetha ukuba izakhiwo zembali ezibangela umdla nezinexabiso gqitha kunye namaziko afumaneka anikwa ingqwalaselo nokuxabiseka ngokuwongwa ngecwecwe lesikhumbuzo eliyi-blue plaque. Ukufumana enye ingcaciso nokubona imifanekiso yamacwecwe ezikhumbuzo ii-blue plaques ekuwongwe izikolo ngazo, yiya apha: www.simonvdstel.org okanye apha www.heritagesa.org.
- 1.6 Izikolo bezisoloko ubukhulu becala zingathathelwa ngqalelo yaye zingamelwa ngokwaneleyo malunga nokuba ziwongwe ngamacwecwe ezikhumbuzo azii-blue plaques., I-Centre for Conservation Education (eya kwaziwa emva koku njenge- "Centre" ne-HASA), inqwenela ukwazisa izikolo ngale projekthi yaye ikhuthaza ezo zikolo zicinga ukuba zikufanele ukuzuza icwecwe lesikhumbuzo, zenze isicelo soko ngokuqwalasela ngocoselelo iindidi ezidweliswe kumhlathi 4.
- 1.7 Kude kube ngoku, amacwecwe ii-blue plaques ebenganikwa izikolo ezingaphandle kweengingqi zeedolophu (metropolitan areas) zaseKapa. Oku kuye kwatshintsha nakuba kunjalo, yakuba i-HASA inika inkxaso yayo kule projekthi. Kuye kwafunwa inkxaso yemibutho yemveli yengingqi yaye eminye kuyo iye yazibophelela ekuxhaseni ngokunikezela ngamacwecwe ii-blue plaques ezikolo ezingenako ukuzihlawulela ngokwazo amacwecwe:
- a) Kwingingqi yaseKapa: Simon van der Stel Heritage Foundation (icwecwe elinye elimahala/ngonyaka)
 - b) Kwingingqi yasePaarl: i-Drakenstein Heritage Foundation (icwecwe elinye elimahala/ngonyaka)
 - c) Kwingingqi yaseStellenbosch: i-Stellenbosch Heritage Foundation (icwecwe elinye/ngonyaka)

d) Izikolo kwezinye iingingqi zisenokufaka izicelo kodwa mazizilungiselele ukuzihlawulela amacwecwe azo ngokwazo.

1.8 Le projekthi ke ivuleleke kuzo zonke izikolo eNtshona Koloni. Nakuba kunjalo amanani aqingqiwe ngenxa yomsebenzi wokusingathwa kwale projekthi.

2. **Okuyinzuzo kwizikolo**

2.1 Ukufunyanwa kwecwecwe lesikhumbuzo i-blue plaque zizikolo kunezi nzuzo zilandelayo:

- a) Amacwecwe ezikhumbuzo aziwa kumazwe ngamazwe njengemiqondiso yemo yesakhiwo okanye yeziko elibonisa imvelaphi nenkcubeko elilifa lethu.
- b) Amacwecwe ezikhumbuzo anendumasi yaye kuya kukhutshwa inani eliqingqiweyo kunyaka ngamnye, kuxhomekeke kwimithombo yezemali efumanekayo nakulawulo lwepjekthi.
- c) Amacwecwe ezikhumbuzo ancanyathiselwa ngaphambili kwisakhiwo sesikolo njengophawu lwezembali olusisigxina ukukhumbula unxibelelwano olukhoyo phakathi kwesikolo nomsebenzi owenziwayo, isiganeko okanye umntu. Amacwecwe esikhumbuzo abekwa kwindawo esemboniselweni kakhulu ukwenzela ukuba abafundi, abazali kunye neendwendwe zibe nako ukuwabona.
- d) Ngokuwongwa ngecwecwe lesikhumbuzo, isikolo sifumana ukuqatshelwa ngegalelo eliyimbali esilenzileyo kwimfundo kubahlali abayinxalenye yaso nakwimfundo ngokubanzi.
- e) Amacwecwe ezikhumbuzo ayintsusa yokuziqhenya koluntu kunye nempumelelo.
- f) Amacwecwe ezikhumbuzo ayilwe ngokufanelekileyo yaye enziwa ngezinto (materials) ezomelele gqitha.
- g) Zizikolo ezithatha isigqibo ngolwimi nangamazwi aya kuba kwicwecwe lesikhumbuzo lona ngokwalo oko kuhamba negalelo kunye nemvume esuka kwiphaneli etyunjwe yi-HASA kunye/okanye imibutho eyinxalenye yayo.
- h) Izikolo ezifumana amacwecwe ezikhumbuzo ziya kudweliswa kwiziko lewebhu le-HASA nakumaziko ewebhu emibutho yemveli yengingqi.

2.2 Inkqubo yokwenza isicelo yasoloko iyinto elula gqitha ukwenzela ukuba izikolo zingachithi xesha ngokungeyomfuneko, ngokwenza iziphakamiso ezide nezineenkcukacha ezininzi.

3. **Indlela esebenza ngayo ipjekthi i-Blue Plaque Schools Project**

3.1 Kuxabisa kakhulu ukwenza amacwecwe esikhumbuzo. Ngo-2021 i-HASA ngokusebenzisa imibutho yenkxaso-mali eyinxalenye yayo (imibutho edweliswe kumhlathi 1.7), **iya kuwonga izikolo ezithathu ezikufaneleyo oko ngamabhaso amacwecwe esikhumbuzo i-blue plaques** ngaphakathi kwingingqi leyo iphantsi

kwale mibutho yenkxaso yaye oko **kusenziwa simahla kwizikolo ezo** ngaphandle kokuzithathela nokuzixhomela ngokwazo icwecwe elo. Izikolo ezinombono yokuba ziyazifezekisa ezi khrayitheriya kwaye zikwezo ngingqi, ziyacelwa zenze isicelo.

- 3.2 Nakuba kunjalo, izikolo ezikwisimo sokuba zingazihlawulela icwecwe lesikhumbuzo i-*blue plaque* ngokwazo ziyacelwa kwakhona ukuba zenze isicelo soko. Zizikolo **ezine** ezinokunikwa ingqwalaselo phantsi kolu didi lunokukhethwa ngo-2021, njengoko sele kukho inani lezicelo ezingakhange ziikwazi ukusingathwa ngo-2020.
- 3.3 Iindleko zecwecwe lesikhumbuzo i-*blue plaque*, kungabandakanywanga ukufakwa kwalo, zinokwahluka yaye zinokuxabisa phakathi kwe-R1800 ne-R3000 ngokuxhomekeke ekubeni umbutho wenkxaso-mali (makujongwe umhlathi 1.7) usebenzisa owuphi na umthengisi nemathiriyeli esetyenziswayo kulo. Izikolo ezinezicelo ezibe yimpumelelo, ziya kuzihlawulela iindleko zona ngokwazo zize zinikwe i-invoysi yeendleko eziyi-100% yeendleko phambi kokuba kube noku-odolwa icwecwe lesikhumbuzo.
- 3.4 Isicelo ngasinye siya kuqwalaselwa ngokwemeko yaso yiphaneli yabagwebi emele i-HASA kunye nemibutho yenkxaso yemveli eyahlukahlukeneyo neZiko. Izikolo kufuneka zifezekise **ibenye kwiikhrayitheriya ezintandathu** ezidweliswe kumhlathi 4. Izikolo mazinike izizathu ezivokothekileyo zezicelo sazo, (zidwelise oovimba/amaxwebhu ezinawo ukwenzela ukuba ingqinisiswe ingcaciso); mazizibhengeze njengezizimiseleyo ukubonisa icwecwe lesikhumbuzo i-*blue plaque* kumphambili wesakhiwo sazo; yaye zingenise isicelo zazo ungasadlulanga umhla osikiweyo. Apha kuqhotyoshelwe ifom yokwenza isicelo (isiHlomelo A). **Ziyakhunjuzwa izikolo ukufaka isicelo akukuniki ngqiniseko yakuphumelela kwesicelo ngokuzenzekelayo.**
- 3.5 Izikolo ziya kwaziswa nge-imeyili nangefoni ukuba ngaba zilinikiwe na okanye hayi icwecwe lesikhumbuzo. Oku kuxhomekeke ngokupheleleyo kwingqiqo yephaneli. Izikolo ezizifezekisayo iikhrayitheriya kodwa azinako ukuwongwa ngenxa yenani elikhulu lezicelo, ziya kucelwa ukuba ziphinde zizifake kwakhona izicelo kunyaka olandelayo.
- 3.6 Izikolo ezifumana amacwecwe ii-*blue plaques* zimele **ukwazisa abafundi, abazali, amabhunga olawulo nabahlali besikolo** ngoku kuqatshelwa kwegalelo lazo. Abafundi ngokukodwa, bamele ukuyazi intsingiselo nexabiso leli cwecwe.
- 3.7 Izikolo ezifumana amacwecwe esikhumbuzo ii-*blue plaques* kufuneka zona ubuqu **ziququzelele umsitho osesikweni wokunikezelwa nokutyhilwa** kwamacwecwe esikhumbuzo ngomhla nangexesha elifanele isikolo kunye nabaququzeleli bomsitho lowo, nokuba kuthathelwe ingqalelo imeko egqubayo ye-Covid 19. Ukuba kungenzeka, oku, **makwenziwe kwakulo nyaka wokufunda ufanayo nalowo wokuwongwa kwaso yaye kukhethwa ukuba abafundi bathathe inxaxheba.** Ummeli osuka kwi-HASA, kumbutho wenkxaso-mali ochaphazelekayo okanye kwiZiko uya

kubakho ukuba umenyiwe. Icwecwe lesikhumbuzo *i-blue plaque* limele ukuncanyathiselwa eludongeni kwiintsuku ezimbalwa phambi komsitho.

4. **Iindidi zamacwecwe**

4.1 Iindidi zamacwecwe esikhumbuzo zilulo hlobo lulandelayo:

- a) Iminyaka yobudala besikolo (masibe neminyaka engaphaya kweyi-125 ukuze sikufanele ukuwongwa)
- b) Isakhiwo esibalasele gqitha ngendlela esakhiweyo ngayo (umz. Isikolo esakhiwa ngumyili wezakhiwo obalaseleyo, isimbo sokwakhiwa kwesakhiwo, njl.)
- c) **Inkonzo yesikolo ekhethekileyo** eyenzelwe abahlali (umz. sisikolo sokuqala sasekuhlaleni, sisikolo esizimeleyo esisesona sidala, igalelo kwimfundo eneemfuno ezizodwa nasekuphuculeni umgangatho wabahlali njl.)
- d) Ukuphumelela kwesikolo ngokuthubeleza phantsi kweemeko ezinzima (umz. ngethuba leMfazwe yaseMfazwe, ngethuba lemithetho yocalu-calulo yokufuduswa kwabantu ngenkani, ngendima yaso kwidabi lokulwela inkqubo yedemokhrasi, ngethuba lokwehla kwentlekele yezendalo, njl. njl.)
- e) Umfundi okanye utitshala wexesha elidlulileyo obalaseleyo (makaxelwe ngegama yaye oswelekileyo mayibe yiminyaka eyi-20 ubuncinane sele walandulela eli)
- f) Izikolo ezaye zavalwa, kodwa nakuba kunjalo, zadlala indima ebaluleke gqitha kwezemfundo

4.2 Izikolo zisenokufumanisa ukuba zifaneleke kumacandelo amaninzi kodwa kufuneka zikhethe UDIDI OLUNYE oluchaza ngokugqwesileyo ezo zinto isikolo sizingca ngazo. Isikolo sinokuwongwa ngecwecwe *i-blue plague* ELINYE ngoko ke udidi olukhethwayo makucingisiswe ngalo ngobulumko.

5. **Izicelo zango-2021**

5.1 Umhla wokuvala ukungeniswa kwezicelo ngowe-**21 Meyi 2021**.

5.2 Izicelo zimele ukwenziwa kwikhompyutha ngokuthumela nge-imeyili ifom yesicelo oyinikiweyo (isiHlomelo A) nemayingeniswe apha: principal@centreforconservation.co.za.

5.3 Izicelo eziziswe ngesandla neziposiweyo ziya kwamkelwa ngokunjalo, ukuba ziye zafunyanwa phambi komhla wokuvala. Ezi zicelo mazithunyelwe kule dilesi okanye ziziswe apha: **The Principal, Centre for Conservation Education, 9 Aliwal Road, Wynberg, 7800.**

6. Ukufumana ingcaciso engaphezulu, kucelwa uqhagamshelane nenqununu yeZiko, uMnu Anton Fortuin, kule nombolo yefoni **021 762 1622**.

7. Kucelwa wazise okukule ngcaciso imfutshane zonke izikolo ezikwisithili sakho ukuze zikuthathele ingqalelo.

ISAYINWE: NGU-HA LEWIS

USEKELA-MLAWULI-JIKELELE WOPHULISO NOQUQUZELELO LWAMAZIKO

UMHLA: 2021-03-26